



COPIA CONTROLADA:  Non  Si : nº \_\_\_\_ Asignada a: \_\_\_\_\_ Data: \_\_\_\_\_

***NORMAS TÉCNICAS DA PRODUCCIÓN AGRARIA ECOLÓXICA  
DE CARÁCTER XERAL.***

**MODIFICACIÓNS RESPETO A EDICIÓN ANTERIOR:**

- Actualizase o apartado 3 - Referencias

Elaborado pola Dirección Técnica

Revisado e aprobado polo Presidente:

# NORMAS TÉCNICAS

## NORMAS TÉCNICAS DA PRODUCCIÓN AGRARIA ECOLÓXICA DE CARÁCTER XERAL.



### ÍNDICE:

- 1.- OBXECTO
- 2.- ALCANCE
- 3.- REFERENZAS
- 4.- REALIZACIÓN
  - 4.1.- Normas Técnicas de Carácter Xeral.
    - 4.01.01 Cualificacións para agricultura ecolóxica de empregados e traballadores.
    - 4.01.02 Prohibición de uso de OXM na agricultura ecolóxica.
    - 4.01.03 Limitación de presenza de OXM na agricultura ecolóxica.
    - 4.01.04 Cumprimento da normativa xeral.



# 1.- OBXECTO

O Consello das Comunidades Europeas aprobou, o 28 de xuño de 2007, o Regulamento N° 834/2007 sobre produción e etiquetado dos produtos ecolóxicos polo que se derroga o Regulamento (CEE) n° 2092/91. O Regulamento (CEE) n° 2092/91 queda derrogado a partir do 1 de xaneiro de 2009, sendo aplicable a partir do 1 de xaneiro de 2009 o Regulamento (CE) N° 834/2007.

As disposicións do Regulamento 834/2007 son as normas básicas para a agricultura ecolóxica consensuadas a nivel comunitario. No considerando (40) do Regulamento 834/2007 din textualmente: “Na espera da adopción de normas comunitarias detalladas de produción para determinadas especies animais e plantas acuáticas e microalgas, convén que os Estados membros poidan dispoñer da aplicación de normas nacionais ou, a falta destas, normas privadas aceptadas ou recoñecidas polos Estados membros.”

A normativa europea completase co Regulamento 889/2008 polo que se establecen disposicións de aplicación do Regulamento (CE) 834/2008 do Consello, sobre produción ou etiquetado dos produtos ecolóxicos, con respecto a produción ecolóxica, o seu etiquetado o seu control. Sen embargo, non se regulan todas as técnicas nin todos os produtos susceptibles de ser obtidos ou utilizados segundo o sistema de produción agroalimentario ecolóxico.

Por elo, mentres non se establezan as disposicións de aplicacións relativas a produción, elaboración, comercialización, etiquetado ou o control a nivel comunitario serán de aplicación o presente Caderno de Normas Técnicas ou as normas que se consensúen a nivel estatal.

Os obxectivos destas Normas Técnicas da produción agraria ecolóxica son:

- concretar certos aspectos normativos contemplados polo Regulamento (CE) 834/2007 e o Regulamento (CE) 889/2008 pero que non quedan suficientemente claros e dan pé a interpretacións diferentes.
- establecer a normativa técnica aplicable para os operadores a certas producións e en relación a certos aspectos técnicos non contemplados polo Regulamento (CE) 834/2007.
- axustar a normativa que define o sistema de produción agroalimentaria ecolóxica as características e especificidades propias da Comunidade Autónoma de Galiza.



## 2.- ALCANCE

O C.R.A.E.G.A. recolle na súa acta do pleno do 28 de marzo de 2008 a aprobación da inclusión na Organización Intereco.

A actual versión do Caderno de Normas Técnicas será de obrigado cumprimento previa aprobación pola Consellería competente en materia de agricultura e aprobación do Pleno do C.R.A.E.G.A. para toda persoa física ou xurídica que interveña na produción, elaboración, importación de países terceiros, almacenado e/ou comercializando os produtos (en adiante operador) que se indican a continuación, sempre e cando estes produtos leven ou vaian a levar indicacións referentes o método ecolóxico de produción, e ata o momento no que estes produtos estean dispostos para a súa venda final o consumidor nun envase ou recipiente que non permita a súa manipulación:

- a) produtos agrícolas vexetais non transformados;
- b) animais e produtos animais non transformados;
- c) produtos vexetais de recolección silvestre;
- d) produtos vexetais e animais transformados destinados a alimentación humana;
- e) alimentos para animais, pensos compostos e materias primas para alimentación animal;
- f) material de reprodución vexetativa e sementes para cultivo.



### 3.- REFERENCIAS.

- Procedemento Operativo de Calidade 04 “Procedemento de certificación e control”.
- Norma UNE – EN ISO/IEC 17065: “Requisitos para os organismos que certifican produtos, procesos e servizos”.
- Caderno Común de Normas Técnicas da Producción Agraria Ecolóxica (Ministerio de Medio Ambiente Rural e Mariño, Intereco).

## **4.- REALIZACIÓN.**

### **4.1.**

## **NORMAS TÉCNICAS DE CARÁCTER XERAL**

### **4.01.01 Cualificación para agricultura ecolóxica de empregados e traballadores.**

4.01.01.01. E obrigación do operador que todas as persoas que interveñan, directamente ou indirectamente, na produción, elaboración, importación ou comercialización de produtos agrarios con dereito a levar as indicacións da agricultura ecolóxica, deban coñecer a normativa de agricultura ecolóxica que afecte o ámbito das súas actividades e estean cualificadas para evitar os problemas orixinados polo seu incumprimento.

4.01.01.02. O operador terá que identificar as necesidades de formación do persoal involucrado na agricultura ecolóxica e proporcionarlle a formación adecuada para asegurar a súa competencia no desenrolo das tarefas asignadas e para que comprenda a importancia de evitar, durante o proceso de produción, elaboración, importación ou comercialización, de produtos agrarios con dereito a levar as indicacións da agricultura ecolóxica, as mesturas con produtos non ecolóxicos, ou a súa contaminación.

### **4.01.02 Prohibición do uso de OXM na agricultura ecolóxica.**

4.01.02.01 Segundo se indica no artigo 9 do Regulamento (CE) 834/2007, no método ecolóxico de produción non poderán utilizarse organismos xeneticamente modificados (OXM) nin produtos obtidos a partir destes. O uso de organismos xeneticamente modificados e dos seus derivados, produtos obtidos a partir de OXM e produtos obtidos mediante OXM, está prohibido na produción e elaboración de produtos ecolóxicos, debido a súa incompatibilidade cos principios da agricultura ecolóxica, a súa natureza non reversible e os riscos potenciais que propón para a natureza e para a saúde humana.



4.01.02.02 A única excepción o punto anterior constitúea o uso de medicamentos veterinarios obtidos a partir de derivados de OXM, que poden ser utilizados despois da súa solicitude a Autoridade de Control nos casos que non exista un tratamento alternativo efectivo e cando a ausencia do tratamento comprometa a saúde dos animais afectados. A Comisión poderá adoptar, no caso de absoluta necesidade, normas excepcionais con arranxo o disposto no artigo 22 g) do REGULAMENTO (CE) 834/2007.

### **4.01.03 Limitación de presenza de OXM na agricultura ecolóxica.**

4.01.03.01 O Regulamento (CE) 834/2007 limita a presenza de OXM en produtos certificados de agricultura ecolóxica, salvo para os casos concretos e xustificables en que esta sexa inevitable e accidental e ademais, cuantitativamente desprezable.

4.01.03.02 Tendo en conta o estado da ciencia e as técnicas actuais e para produtos certificados polas autoridades de control do Estado Español, o limiar máximo desprezable por imposibilidade técnica de cuantificación e o 0.1% (límite de cuantificación do método). Este limiar só será de aplicación cando se dean os supostos de contaminación inevitable e accidental. As materias primas utilizadas para elaboración destes produtos, tamén deberán cumprir con estes requisitos.

4.01.03.03 No caso de que a autoridade de control verifique a recepción de produtos ou materias primas certificados como de agricultura ecolóxica que incumpran coas normas de prohibición da presenza de OXM anteriormente descritas, poderá iniciar os trámites oportunos de denuncia a instancias comunitarias a través das autoridades competentes na materia.

### **Medidas mínimas de prevención de contaminación por OXM e os seus derivados que deben adoptar os operadores.**

4.01.03.04 Os produtos da agricultura ecolóxica teñen que estar libres de contaminación por OXM e polos seus derivados. En consecuencia, os operadores teñen que adoptar, dentro do ámbito da súa responsabilidade, todas as medidas necesarias encamiñadas a evitar este tipo de contaminación nos seus produtos durante a produción, a elaboración, o almacenaxe e o transporte.

4.01.03.05 Os operadores teñen que notificar a Autoridade de Control calquera posible fonte de contaminación por OXM e os seus derivados da cal sexan conscientes e que poidan supoñer un risco para as súas parcelas, cultivos, animais ou produtos.

4.01.03.06 Cando un operador utilice na produción ou elaboración produtos susceptibles de estar contaminados por OXM, proveñan ou non da agricultura ecolóxica e teña dúbidas sobre si nestes produtos pode haber presenza de OXM ou os seus derivados, teñen que solicitar o provedor unha declaración ou carta firmada indicando que o produto non contén OXM nin os seus derivados. Esta verificación e preciso reflectila no rexistro de entradas da unidade e os produtos só poderán utilizarse cando o provedor confirme que non contén OXM nin derivados destes.



4.01.03.07 Cando o operador non teña realizado a verificación mencionada na norma 01.03.05 anterior, e a Autoridade de Control considere que hai riscos razoables que os produtos producidos ou elaborados polo operador conteñan OXM ou derivados de OXM, a Autoridade de Control pode solicitar que se realicen análises a cargo do operador para confirmar a ausencia de OXM e os seus derivados en mostras de produtos, ingredientes ou outros produtos, antes de autorizar que os produtos vaian a levar indicacións referentes ao método ecolóxico de produción.

4.01.03.08 A certificación de agricultura ecolóxica retirárase daqueles cultivos ou produtos nos cales a Autoridade de Control constate da presenza de contaminación por presenza de OXM.

4.01.03.09 Naqueles casos en que a Autoridade de Control considere que pode haber un risco elevado de contaminación por OXM, poderá pedir o operador afectado a implantación de medidas específicas de autocontrol encamiñadas para evitar esta contaminación, ademais das medidas comúns de autocontrol a que obriga o Regulamento (CE) 834/2007.

4.01.03.10 En unidades con produción simultánea ecolóxica e non ecolóxica, está prohibido o uso de organismos modificados xeneticamente na parte non ecolóxica da unidade.

#### **4.01.04 Cumprimento da normativa xeral**

4.01.04.01 A aplicación e cumprimento da normativa específica que regula a produción agroalimentaria ecolóxica non exime a os operadores o sometemento e o cumprimento de toda a normativa xeral e específica que lle sexa de aplicación en cada caso.